

# **Ala xa masenyi**

## **Annabi Yude naxan sebe**

### **Masenyi nde yi Kitaabui xa fe ra**

Annabi Yude nan yi bataaxe sebe Ala xanun-tenyie ma, a findi Kitaabui nan na mixi birin be naxee wama birafe Ala xa seriye foxo ra. Na danxaniyatoe nama, Annabi Yude yi bataaxe sebexi naxan ma, mixi ndee nu bara so e tagi alako e xa Ala xa xaranyi mafindi e waxonki ra. Na mixi jaaxie jere ki nu bara findi fe xungbe ra na Isayankae be, ndee fa bira e xa wule masenyi foxo ra.

Na na a ra, Annabi Yude naxa woyenyi xoxoxoe fala e be na xaranyi xa fe ra. A naxa danxaniyatoe rasi a fanyi ra, e naxa lu seniyentareja kui. A naxa a masen e be a fixe ra, a na mixi mooli yahannama nan sotoma. Temui dangixi mixi gbegbe naxee nu na Ala xa kira xon ma, e mee ne Ala xa seriye ra, na naxa findi paxankate xungbe ra e be. Annabi Yude mu tinxi na mooli xa raba na danxaniyatoe ra.

Won fan xa nu na marasi rame. Mixi gbegbe na duniya naxee Ala xili falama, konso e mu Ala xa seriye rabatuma. Alatala Kitaabui luxi won yi ra na nan ma alako won xa masenyi birin sa sikeeli ma, won xa a mato xa a findixi nondi nan na, xa na mu a ra xa Sentane xa wule na a ra.

Ala xa won natanga na diinela wule false ma. Amina.

## **Ala xa masenyi Annabi Yude naxan seβε**

<sup>1</sup> N tan Yude nan yi ki, Ala xa Mixi Sugandixi Isa xa konyi, nun Yaki ngaxakerenma. N na yi bataaxe seβεfe mixie nan ma, Baba Ala naxee xilixi, a naxee xanuxi, nun Ala xa Mixi Sugandixi Isa naxee makantaxi. <sup>2</sup> Ala xa kinikini, boṅesa, nun xanunteya gbo wo yi.

<sup>3</sup> N xanuntenyie, n bara wa bataaxe seβεfe wo ma won ma kisi xa fe ra. N bara wa na rabafe alako n xa wo ralimaniya, wo xa gere so won ma danxaniya xa fe ra, naxan ṅan bara ge masende kerenyi ra seniyeṅtɔee be. <sup>4</sup> Mixi ndee bara so wo tagi, naxee xa paxankate ṅan bara seβε a rakuya. Kaafirie nan e ra, naxee won Marigi Ala xa hinne mafindima, alako e xa lu fe ṅaaxie kui, e xa e kobe raso won Karamɔɔ kerenyi ra, won Marigi Isa, Ala xa Mixi Sugandixi.

<sup>5</sup> Hali wo a kolon, n wama wo ratufe fe dangixi ndee nan ma. Marigi to ge Isirayila ṅama raminide Misira boxi ma, a naxa Isirayilaka danxaniyataree sonto. <sup>6</sup> Maleke ndee fan to e yete lu binyetareṅa kui, e e xonyi beṅin, Ala naxa e raso geeli kui, e xa lu dimi kui han kiiti xungbe sa loxo. <sup>7</sup> Sodoma nun Gomora, a nun e rabilinyi, e to e yete rafi fe ṅaaxie ma, e nun e boore nu kafu mooli nde ra naxan mu lanma adamadie tagi, Ala naxa e findi misaali ra, a e raso te xoora naxan mu xubenma abadan.

<sup>8</sup> Kɔnɔ na mixi naxee bara so wo tagi, e laamatunyi ndee toma naxee a niya e xa seniɣentareɣa raba, e Marigi xa yaamari matandi, e malekɛe konbi. <sup>9</sup> Malekɛ mangɛ Minkayilu to wɔyɛn Ibulisa bɛ Annabi Munsa fure xa fe ra, Minkayilu mu suusa Ibulisa xa wɔyɛnyi yaabide konbi ra. A a fala nɛ gbansan, «Ala xa i makiiti.» <sup>10</sup> Kɔnɔ na mixie konbi tima fe nde xa fe ra, e mu naxan kolon. E naxan kolon e yetɛ ra, a wula sube xaxilitaree daaxi, na fan mu findi sese ra fo e kanase. <sup>11</sup> Naxankatɛ na e bɛ. E bara bira Kabila xa misaali fɔxɔ ra. E bara bira kɔbiri fɔxɔ ra alɔ Balami, e fa lɔɛ. E bara matandi ti alɔ Kora, e xun fa rakana.

<sup>12</sup> Na mixie bara wo xa ngaxakerenya malanyie manɔxɔ. E e dɛgema wo ya ma, e mɛɛnima e yetɛ nan gbansan ma, e mu yaagima. E luxi alɔ nuxuie, foye naxee rapɛrɛma, kɔnɔ e mu fama tunɛ ra. E luxi alɔ sansi naxee mu bogi raminima e bogi tɛmui. E to tala, e bara faxa sanmaya firin. <sup>13</sup> E luxi alɔ baa mɔrɔnyie naxee xunfɛ raminima. Na xunfɛ misaalixi na mixie xa fe ɣaaxie nan na. E luxi alɔ tunbui naxee ragataxi koore ma, e nu lintan dimi kui abadan.

<sup>14</sup> Enoki, Adama tolobitɛ solofere nde, naxa yi masenyi fala Ala xili ra e xa fe ra, «Marigi na fafe, a nun a xa seniɣentɔɛ wulu wulu, <sup>15</sup> alako a xa adamadi birin makiiti. Kaafirie xa makiiti e xa fe ɣaaxi rabaxie ma. Kaafirie xa makiiti e xa konbie xa fe ra, e naxan falama Marigi xun ma.» <sup>16</sup> Na mixi mɔɔlie luma nɛ sɔnxɔ ra, e mu ɣɛlɛxinma, e birama e yetɛ waxɔnfe nan tun fɔxɔ ra, e dɛ igbo, e mixi madaxuma wɔyɛnyi

ἵππουν με ῥα ἀλακο εἰ καὶ σε σοτο.

<sup>17</sup> Κονο̅ wo tan, n xanuntenyie, wo xa ratu won Marigi Isa xa xεεραε xa masenyie ma. <sup>18</sup> E nu bara a fala wo βε, «Waxati δονχοε, mixie fama ne yode Ala ma, e bira e waxonfe tinxintaree φοχο ra.» <sup>19</sup> Na mixi moolie na wo tagi. E wo xa lanyi kanama ne. E birama e yete xaxili nan φοχο ra. Ala Xaxili Seniyenxi mu na e βοηε i.

<sup>20</sup> Κονο̅ wo tan, n xanuntenyie, wo xa wo xa danxaniya seniyenxi rasabati. Wo xa Ala maxandi a Xaxili Seniyenxi saabui ra. <sup>21</sup> Wo xa lu Ala xa xanunteya bun ma, alako wo Marigi Isa, Ala xa Mixi Sugandixi, xa kinikini wo ma, a xa wo rakisi. <sup>22</sup> Wo xa kinikini mixie ma naxee siikexi, <sup>23</sup> wo xa e ratanga te ma. Wo man xa kinikini booree fan ma gaaxui kui, κονο̅ wo xa meeni wo yete ma e ya ma, alako wo fan naxa fa wo yete findi seniyentaree ra.

<sup>24</sup> Ala tantu, naxan no̅ma won nakiside won ma yunubi birin ma, naxan no̅ma won masende seniyenyi nun seewe ra a xa no̅re kui. <sup>25</sup> Ala tantu, naxan firin nde mu na, naxan bara won nakisi a xa Mixi Sugandixi Isa saabui ra. No̅re, xunnakeli, senbe, nun no̅e na a βε beenun dunija xa φολο, yakosi, nun waxati naxan sa fama abadan. Amina.

**Soso Kitaabuie: Tawureta, Yabura, Inyila**  
**The Holy Bible in the Susu language of Guinea (Soso**  
**Kitaabuie: Tawureta, Yabura, Inyila Bible)**

copyright © 2015 Mission Évangélique Réformée Néerlandaise et les  
Traducteurs Pionniers de la Bible

Language: Susu

Contributor: Mission Évangélique Réformée Néerlandaise

This translation is made available to you under the terms of the Creative  
Commons Attribution-Noncommercial-No Derivatives license 4.0.

You may share and redistribute this Bible translation or extracts from it  
in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.  
Pictures included with Scriptures and other documents on this site are  
licensed just for use with those Scriptures and documents. For other uses,  
please contact the respective copyright owners.

2020-11-11

---

PDF generated using Haiola and XeLaTeX on 11 Nov 2022 from source  
files dated 29 Jan 2022

f1d08866-ea3e-5b9b-b506-e7690c5c61d2